

- Inter quos, licet angustum, specus extat amoenum,
 495 Non tellure cava factum sed vertice rupum.
 Apta quidem statio latronibus illa cruentis;
 Angulus hic virides ac vescas gesserat herbas.
 Hunc mox ut vidit juvenis 'huc' inquit 'eamus,
 His juvat in castris fessum componere corpus.'
- 500 Nam postquam fugiens Avarum discesserat oris,
 Non aliter somni requiem gustaverat idem,
 Quam super innixus clypeo; vix clauerat orbes.
 Bellica tum deum deponens pondera, dixit
 Virginis in gremium fusus 'circumspice caute,
 505 Hiltgunt et, nebulam si tolli videris atram,
 Attactu blando me surgere commonitato;
 Et licet ingentem conspexeris ire cateryam
 Ne subito excutias somno, mi cara, caveto.
 Nam procul hinc acies potis es transmittere puras.
- 510 Instantem cunctam circa explora regionem?
 Haec ait, atque oculos concluserat ipse nitentes,
 Jamque diu satis optata fruitor requiete.
- Ast ubi Guntharius vestigia in pulvere vidit,
 Cornipedem rapidum saevis calcaribus urget;
 515 Exultansque animis frustra, sic fatur ad auras:
 'Accelerate viri, jam nunc capietis eundem;
 Nunquam hodie effugiet, furata talenta relinquet.'
 Inclitus at Hagano contra mox reddidit ista
 'Unum dico tibi, regum fortissime, tantum,
 520 Si tociens tu Waltharium pugnasse videres,
 Atque nova tociens, quoziens ego, caede furentem;
 Nunquam tam facile spoliandum forte putares.

495 ruptum C. E. 498 huc mox B. 501 requiem somni C.
 502 orbem C. E. 503 tunc A. 508 mihi kara B; vielleicht:
 somno me, cara; oder: somnum mili, cara. 513 cundharius
 uesitgia puluere B. 516 euntem B. 519, 520 verschiebt C.